

國家圖書館編

「國家圖書館」出版

歷代人物傳記 資料彙編

24

國家圖書館編

國家圖書館出版

歷代人物傳記 資料彙編

24

第二四冊目錄

琬琰廣錄不分卷（勳爵合傳

勳裔一）

明抄本

.....

一

琬琰廣錄

勲爵合傳

開平岐陽定遠三王世家

王世貞

東甌西平東平三王世家

王世貞

定興宣平二王世家

王世貞

韓宋穎三國公傳

王世貞

王驥楊善徐有貞王越傳

王世貞

浙江三臣傳

王世貞

弘治三臣傳

王世貞

四尚書傳

陳文燭

開平岐陽定遠三王世家

王世貞

開平王常遇春者濠之定遠人其先世世爲農家遇
春長身白皙有膽力猿臂善射元末群盜起躡江淮
間而盜魁劉聚者得遇春而識之使爲什夫長有所
攻剽遇春敢力深入必剋獲而歸以是爲聚所愛重
而遇春察其急園掠毋遠志屬高帝駐兵和川乃
偕其私卒數十來歸居兩月未有所見自請爲先鋒
上曰爾饑故來歸耳且有故主在吾安得奪之遇春
頓首泣曰劉聚盜耳無能爲也倘得效犬馬之力於
知者雖死猶生上猶弗許甲能相從渡江乎取人

平而後臣我未晚也既渡江抵采石磯元兵置陣於
磯上舟相去三丈餘矢刃蜩集莫敢登遇春飛舸至
上麾之應聲挺戈躍而上敵皆披靡帥師乘之太
敗其衆遂乘勝取太平始授提管府先鋒無何進為
提管上既已渡江而諸將士家屬輜重皆在北滁
和之守備單而元中丞蛮子海牙擁舟師數萬襲據
采石界其中間音問絕上率大衆攻之使遇春多
張疑兵以分其應而自帥正兵搗之既合而遇春別
操輕舸以精兵橫衝海牙之舟分為二左右縱擊大
破之悉俘其精銳自是元帥扼江之勢衰而南北通

矣遂從取集慶路再從徐達取鎮江復為領軍先鋒
徐達攻常州而降卒叛與張士誠合而圍達命遇春
以師援表裏擊士誠大破之擒其梟將張將軍復為
總管遂進統軍大元帥克常州迂中翼大元帥尋從
徐達下寧國分兵取馬馱沙遂取池州戰功最進行
中書省都督馬步水軍大元帥從上取婺州復有
功進鎮國上將軍僉同書樞密院事守婺州遂以其
兵攻衢州下其院判張斌以卒萬人降克衢州進僉
樞密院事移兵攻杭州久之張士誠兵來援累戰戰
不大利召還京師尋從徐達守池州大破陳友諒

之衆語具達傳陳友諒入寇薄我於都城之龍江
上設伏大破之遇春功復最上追友諒於江州遇
春留守用法嚴軍民肅歛進行省叅知政事復從
上追友諒於安慶遂取江州還督龍灣寨之師張士
誠之大將李伯昇圍我長興援兵遇之敗長興圍急
上乃遣遇春以大軍援之兵至伯昇拔營遁俘斬
其後軍五千餘人城安慶破池州之叛卒羅友賢斬
之餘黨悉平上所任將帥其最著者三人曰平章
邵榮右丞徐達與遇春榮最爲宿舊且善戰既貴而
驕有所不得志輒謀伏兵置酒要上飲而劫之事

發就縛 上猶語諸將吾欲宥榮死以慰勞臣衆唯
唯遇春直前曰人臣而以反名寧可宥臣誼不與之
共生 上乃飲榮酒流涕而饗之以是心益愛重遇
春張士誠別將呂瑄圍劉福通於安豐 上救之師
至而瑄已破城殺劉福通矣其兵勢盛而連營水陸
為戰守備甚嚴時汪元帥為前鋒拔其中壘而據之
會左右軍敗汪元帥兵欲出走阻於塹則殊死閉卒
不可敗而遇春以精騎橫突其脅凡三合三勝大軍
乘之遂大勝俘斬獲士馬無筭進圍安豐元將左君
弼自廬州來救徐達與遇春逆擊大破之遂移薄廬

州且下而陳友諒傾其國兵號五十萬來爭南昌圍之數百重凡三月餘而上趣達遇春廬州之師歸遂從上往救遇於鄱陽湖之康郎山達首敗其前鋒縱火焚敵舟二十艘殺獲以千計而敵不退友諒太尉張瑄邊奮前犯上舟膠淺事且迫遇春從傍射定邊中之始稍稍引退上舟脫而遇春舟復膠淺力戰以脫明日復大戰乘風縱火焚其舟數十里湖水盡赤友諒弟友仁友貴等皆焚死連戰三日友諒之卒死者過半而我兵所亡失亦畧相當既出湖口諸將佐氣稍稍奪欲縱之去遇春獨不言上

悟乃移舟扼上流而別出奇兵絕餉道凡旬五日而友諒軍食乏其左右金吾將軍皆降友諒迫以百艘突圍湖口而上蹴之自辰至酉友諒中流矢死俘其卒五萬人斬及溺者三倍之乃班師飲至策勲以遇春及廖永忠俞通海馬首賜土田金帛過當復從上討友諒之子理於武昌圍甫合而其丞相張必先自岳來援遇春以五千騎逆擊破擒之必先友諒驍將也陳理魄奪出降進遇春中書平章政事尋從徐達取廬州始別將兵畧定臨江之沙坑麻嶺十洞牛皮等寨定遂贛州下南安南雄韶州諸路師還取

安陸襄陽復從徐達克泰州已克高郵徇淮安徐宿
安豐悉下之大發兵討張士誠命遇春仍副大將軍
達而行舟師出太湖擒其萬戶尹義等直趣湖州之
毘山與士誠兵水陸勁閉敵大潰遂薄其城飛車戰
艦高皆與睥睨埒其丞相士信掃境內兵來援築壘
舊館壓我師之背遇春率奇兵由大全港入營於東
阡却壓其背士信急抽精兵搏戰遇春鼓將士立破
之復破其援兵赤龍船於烏鎮士信跳舊館之卒降
得六萬人湖州亦下遂進圍平江路數破其城中兵
凡八月始克之縛士誠以歸籍其兵得二十五萬時

上猶稱吳王召見戟門所以慰勞備至進銀青榮祿
大夫上柱國錄軍國重事封鄂國公 上念遇春功
大破尊貴之而李善長徐達已為左右相國不能復
置相乃以遇春為平章軍國重事制祿秩與相國等
復議討中原遇春有所獻策語具徐世達家遇春之
前議討張士誠策亦如是大較欲輕兵直搗其心腹
肢節當自瓦解 上持重不之用也而心伏其勇至
是命遇春為征虜副將軍與大將軍達率步騎二十
五萬以北 上親禡旗於龍江諭諸將當百萬之衆
摧鋒陷陣所嚮披靡無如副將軍遇春第吾不虞其

不能戰虞其輕戰耳夫遇春大將也而好與一小校
爭能甚非吾所望也遇春頓首拜詔既行吳王即
皇帝位冊立皇太子以遇春領其少保遇春師
與大將軍合畧定山東諸郡遂破汴梁走其帥李景
昌進攻河南元兵五萬陣洛水北將合遇春單騎突
其陣敵以二十騎攢槊刺遇春遇春發一矢殪當先
者大呼而入麾下壯士從之遂盡殺其二十騎敵遂
大潰河南下諸郡邑悉平上為幸汴梁至之二日
而遇春馳入謁上勞之曰將軍與大軍北征不踰
歲而下中原之半功亦大矣勞且倍矣遇春頓首曰

亡元之民服上威德耳臣等祇奉成筭以效驅馳固大幸也上悅三日辭復往河南遂與大將軍畧定河北進逼其大都元主北走遂取之移兵徇太原元太傅河南王擴廓帖木兒自保安還師來援其鋒銳甚遇春與達謀曰我騎兵雖集而步卒未至驟與之戰必多傷殺且未易決也夜劫之彼必有走而潰耳達曰善夜劫之擴廓果潰而走太原下改遇春為左副將軍居右副將軍馮宗異上出寨取大同轉徇河東西渡關下奉元路遂與宗異合而西逼鳳翔其平章李思齊率所部十餘萬衆奔臨洮鳳翔下會元丞相

也速以兵寇通州至白河而遁。上乃遣過春以所部馳至故元都部署將士而浙江行省平章李文忠副之。過春謀元主在開平，乃選步卒八萬騎一萬取道三河，經鹿兒嶺抵惠州，敗其將江文清於錦川，獲士馬千計。次全寧，遂與也速遇，復敗之。進次大興州，遇春使分千騎為八伏，徼其歸。大興之守兵走，伏發，大敗之，擒其丞相脫火赤，遂薄開平。元主已前走，追北數百里，俘其宗王慶生、平章昂住等，斬之。凡得將士萬人，車萬輛，馬三千匹，牛五萬頭。子女貨寶，稱是師還。次柳河川，暴得疾卒，年僅四十。上為震動，喪